

## REGULAMENTO DO REXISTRO MUNICIPAL DE PARELLAS DE FEITO

### **Artigo 1.- Obxecto e Réxime xurídico.-**

Constitúese no Concello de Ribadeo o Rexistro Municipal de Parellas de feito que terá carácter administrativo e se rexerá polo disposto no presente Regulamento, incluídos os seus anexos e demais disposicións que se poidan dictar para o seu desenvolvemento.

### **Artigo 2. Ámbito.-**

No Rexistro municipal de parellas de feito inscribíranse todas aquelas unións non matrimoniais de convivencia de parellas tanto de heterosexuais como de homosexuais, que polo seu libre e pleno consentimento constituían unha unión de convivencia non matrimonial, manifesten a súa vontade de inscribila no Rexistro e os membros da cal teñan a súa residencia habitual e figuren empadroados no Concello de Ribadeo.

### **Artigo 3.- Requisitos das inscricións.-**

3.1 Serán requisitos para levar a cabo a inscrición:

- a) ser maior de idade ou menor emancipado e non ter sido declarado incapacitado.
- b) Non estar ligado por vínculo matrimonial.
- c) Non estar inscrito como membro doutra unión matrimonial non cancelada.
- d) Te-la súa residencia habitual e figurar empadroado no Concello de Ribadeo.
- e) Non ter relación de parentesco por consanguinidade ou adopción en liña recta.
- f) Non ter relación de parentesco colateral por consanguinidade ou adopción de ata o segundo grao.

3.2 As inscricións realizaranse previa sinatura da correspondente solicitude por parte dos dous membros da unión, segundo o modelo do anexo I deste Regulamento, a cal se levará a cabo mediante comparecencia persoal e conxunta perante o funcionario encargado do rexistro, e na que se efectuará a correspondente declaración responsable dos seguintes extremos:

- a) Manifestación da existencia da unión de convivencia non matrimonial coa indicación do domicilio de empadroamento da mesma.
- b) Non estar ligado con vínculo matrimonial.
- c) Non estar inscrito como membro doutra unión non matrimonial non cancelada.
- d) Non haber sido declarado incapacitado por resolución xudicial.
- e) Non ter relación de parentesco por consanguinidade ou adopción en liña recta.
- f) Non ter relación de parentesco colateral por consanguinidade ou adopción de ata o segundo grao.

3.3 Á solicitude de inscrición acompañarase a documentación acreditativa do cumprimento dos seguintes requisitos:

- a) Ser maior de idade ou acreditación de emancipación de conformidade co establecido no artigo 314 e ss. do Código Civil.
- b) No seu caso, declaración xudicial de divorcio ou nulidade.
- c) No seu caso, documentación xustificativa de viuvez.
- d) Xustificante de empadroamento dos membros da Unión non matrimonial [incorporarase de oficio].

3.4 Só as inscricións que fagan referencia á extinción da unión non matrimonial por vontade unilateral se poderán efectuar a instancia dun so dos membros, previa audiencia do outro membro da unión, conforme establece o artigo 6.2 b) do presente Regulamento.

3.5 As inscricións que se practiquen e as certificacións que se expidan serán gratuítas.

#### **Artigo 4. Declaracións e actos inscribíbles.**

Serán obxecto de inscrición:

a) A declaración de constitución das unións de feito [realizada segundo o modelo do anexo I] e a extinción das mesmas cando concorran algunha das causas do artigo 6.

b) Os contratos civís reguladores das relacións persoais e patrimoniais así como outros feitos e circunstancias relevantes que afecten á unión extramatrimonial.

#### **Artigo 5. Efectos.**

A inscrición no Rexistro de Parellas de feito terá efectos declarativos sobre a constitución, modificación e extinción das unións de feito, así como dos contratos reguladores das relacións persoais e patrimoniais.

#### **Artigo 6. Da constitución e extinción.-**

6.1 A data de constitución será a da súa manifestación e solicitude de inscrición, agás que a medio de escritura pública, acta de notoriedade, certificación de convivencia, inscrición no Rexistro Civil, cando exista descendencia ou calquera outro medio de proba admisible e suficiente, se acredite a formalización da convivencia e unión en data anterior.

6.2 Serán causas xustificativas da extinción e cancelación das unións as seguintes:

a) Mutuo acordo.

b) Vontade unilateral dun dos membros da parella previa audiencia do outro.

c) A morte ou declaración de falecemento dalgún dos seus membros.

d) Separación de feito de máis dun ano.

e) Matrimonio dalgún dos membros.

#### **Artigo 7. Libro Rexistro.-**

O Rexistro materializarase nun Libro-Rexistro Municipal de Unións non matrimoniais que estará formado por follas numeradas e seladas, legalizado coa sinatura do Secretario Municipal, incluíndose nos asentos os seguintes extremos:

a) Datos identificativos dos membros integrantes da unión.

b) Domicilio de convivencia.

c) Data de constitución da convivencia.

d) A transcrición en extracto dos contratos civís reguladores das relacións persoais e patrimoniais das parellas de feito.

e) Calquera modificación posterior dos datos inscritos.

f) Data e causas da extinción.

g) Outros feitos ou circunstancias relevantes que afecten á unión non matrimonial.

#### **Artigo 8. Publicidade.**

O Libro-Rexistro municipal de parellas de feito non ten carácter público, agás as certificacións que expida o Secretario Municipal a instancia exclusivamente de calquera dos membros da unión ou dos xuíces e tribunais de xustiza.

#### **Artigo 9. Órgano competente.-**

O Alcalde-Presidente será o órgano competente para resolver sobre calquera tipo de inscrición que se pretenda efectuar no Rexistro así como para a regulación do acceso, rectificación e cancelación dos datos cando proceda.

As resolucións que se dicten relativas á inscrición, modificacións ou extinción, así como as de inscricións de actos complementarios, adoptaranse no prazo máximo dun mes, transcorrido o cal sen que se houbera dictado entenderase desestimada por silencio administrativo.

***Disposición derradeira.-***

Unha vez aprobado definitivamente polo Concello Pleno o mesmo entrará en vigor ó día seguinte da publicación do seu texto completo no Boletín Oficial da Provincia e unha vez transcorrido o prazo previsto no artigo 65.1 da Lei 7/1985, de 2 de abril reguladora das Bases de Réxime Local.

**Este regulamento foi publicado no Boletín Oficial da Provincia de Lugo nº 63, o 16 de marzo de 2002**

Solicitud de inscripción no Rexistro Municipal de Parellas de feito.

Don/Dona \_\_\_\_\_  
\_\_\_\_\_

de \_\_\_\_\_ nacionalidade \_\_\_\_\_ nacido/a  
en \_\_\_\_\_

o día \_\_\_\_\_ de \_\_\_\_\_ de \_\_\_\_\_, de estado civil \_\_\_\_\_ e  
profesión \_\_\_\_\_

\_\_\_\_\_, N° de teléfono \_\_\_\_\_ e DNI ou  
Pasaporte \_\_\_\_\_

e

Don/Dona \_\_\_\_\_  
\_\_\_\_\_

de \_\_\_\_\_ nacionalidade \_\_\_\_\_ nacido/a  
en \_\_\_\_\_

o día \_\_\_\_\_ de \_\_\_\_\_ de \_\_\_\_\_, de estado civil \_\_\_\_\_ e  
profesión \_\_\_\_\_

\_\_\_\_\_, N° de teléfono \_\_\_\_\_ e DNI ou  
Pasaporte \_\_\_\_\_

con \_\_\_\_\_ domicilio \_\_\_\_\_ común  
en \_\_\_\_\_

CPostal \_\_\_\_\_ de RIBADEO (Lugo).

**EXPONEN**

Que conviven, constituíndo unha UNION DE FEITO dende \_\_\_\_\_ [data] e  
reúnen os

requisitos esixidos nas normas reguladoras de inscrición destas unións, contidos no  
Regulamento do

Rexistro de parellas de feito do Concello de Ribadeo aprobado en \_\_\_\_\_ [data].

Que aportan declaración xurada e documentos administrativos sobre os extremos esixidos no  
devandito

Regulamento.

**SOLICITAN**

Que se proceda á inscrición da súa unión de feito no REXISTRO MUNICIPAL DE UNIONS DE FEITO  
DO CONCELLO DE RIBADEO,

Ribadeo, \_\_\_\_ de \_\_\_\_\_ de \_\_\_\_\_.

[Firma dos titulares]

**SR. ALCALDE-PRESIDENTE DO CONCELLO DE RIBADEO**

**ANEXO II**

**Declaración Xurada**

Don/ Dona \_\_\_\_\_

con DNI ou pasaporte nº \_\_\_\_\_ e

Don/ Dona \_\_\_\_\_

con DNI ou pasaporte nº \_\_\_\_\_ e

**DECLARAN BAIXO XURAMENTO**

- a) Non estar ligado con vínculo matrimonial.
- b) Non estar inscrito como membro doutra unión non matrimonial non cancelada.
- c) Non haber sido declarado incapacitado por resolución xudicial.
- d) Non ter relación de parentesco por consanguinidade ou adopción en liña recta.
- e) Non ter relación de parentesco colateral por consanguinidade ou adopción de ata o segundo grao.

Ribadeo, \_\_\_\_ de \_\_\_\_\_ de \_\_\_\_\_.  
[firmas]

### ANEXO III

#### Documentos necesarios

- a) Copia compulsada dos D.N.I. ou pasaportes de ambos dous membros.
- b) Modelo de solicitude conforme ó ANEXO I manifestando a vontade de constituir a unión de parella de feito ós efectos do Rexistro Municipal asinada polos dos membros da parella.
- c) Declaración xurada de cumpri-los requisitos esixidos no Regulamento Municipal conforme ó modelo do ANEXO II asinada polos dous membros da parella.
- d) Acreditación da emancipación, se procede.
- e) Certificación de fe ou estado civil.
- f) No seu caso declaración xudicial de divorcio, nulidade ou documento xustificativo da viuvez.